

奉節縣志卷十

田賦

祭祀廩餼官俸役食附捐款附

古者因田制賦田有赤墳黃壤之分卽賦有上中中下之別我

朝仁恩翔洽經制一定永無額外加征然時事交迫則津貼勸捐亦勢所不得已承平則仍復舊制奉邑山皆嶢峩田鮮膏腴雖賦稅較他省爲輕而食用常苦不給惟良有司勤心撫字斯國用與民生胥被潤澤而大豐美矣

奉節縣志

卷十

田賦

一

志田賦

一全書原載畝糧自雍正七年奉文丈量

恩准部覆丁條銀合併積算按畝徵銀至雍正十二年徵輸起

上田每畝徵丁條糧銀三分一釐四毫一絲九忽六微六塵

中田每畝徵丁條糧銀二分七釐四毫九絲五忽一微五塵

下田每畝徵丁條糧銀二分三釐五毫六絲

九忽三微七塵八纖

上地每畝徵丁條糧銀九釐六毫八絲七忽

二塵六纖

中地每畝徵丁條糧銀八釐四毫七絲五忽

三微六纖

下地每畝徵丁條糧銀七釐三毫六絲四忽

六纖

原載上中下田地共一千一百八十六頃九

十八畝五分五釐

奉節縣志

卷十

田賦

二

原載丁條糧銀二千六兩五錢七分六釐四

毫八絲三忽三微一塵今自雍正十三年陸

續首報至乾隆九年徵輸起除 籍田四畝

九分不徵丁糧外新舊承糧花戶冉君祚等

共三千一百二十九戶墾輸上中下田地一

千三百九十頃一十四畝一分一釐

上田一百七十四頃七十畝六分六釐

每畝徵丁條糧銀三分一釐四毫一絲九忽

六微六塵

應徵丁條糧銀五百四十八兩九錢二分二釐一毫九絲七忽二微五纖

中田二百一十六頃六十七畝五分九釐

每畝徵丁條糧銀二分七釐四毫九絲五忽一微五塵

應徵丁條糧銀五百九十五兩七錢五分三

釐六毫三絲七忽五微八塵八纖

下田一百五十三頃五十七畝五分一釐

每畝徵丁條糧銀二分三釐五毫六絲九忽

三微七塵八纖

應徵丁條糧銀三百六十一兩九錢六分六

釐九毫六絲二忽五微六塵

上地一百八十四頃三十八畝五分三釐

每畝徵丁條糧銀九釐六毫八絲七忽二塵六纖

應徵丁條糧銀一百七十八兩六錢一分四

釐五毫一絲八忽八微一塵三纖

中地二百五十八頃七十七畝一釐

每畝徵丁條糧錢八釐四毫七絲五忽三微六纖

應徵丁條糧銀二百一十九兩三錢一分五釐五毫七絲八忽三塵五纖

下地四百二頃二畝八分一釐

每畝徵丁條糧銀七釐二毫六絲四忽六纖
應徵丁條糧銀二百九十二兩三分三釐四毫四絲九忽一微五塵四纖

現徵丁條糧銀二千一百九十六兩六錢六

釐三毫四絲三忽三微七塵五纖於康熙九年奉文加徵閏銀照舊時全書按算每兩徵閏銀六分三釐一絲九微八塵三纖一沙七

渺四漠二埃遇閏之年照例加徵

田房稅契銀三百二十六兩六錢

當帖銀五兩

牙行帖稅銀三兩二錢

鐵稅變價銀一百一十六兩六錢四分

以上雜徵稅課起運司庫收貯

一本縣舊額春秋二祭

文廟及山川社稷各壇祠原編銀一十六兩八錢
因錢糧不敷於康熙十一年十一月奉文爲
祭祀

國之大典等事案內請給春秋銀一十六兩於
康熙五十年正月內奉文於本縣地丁銀內
扣留備祭又

武廟春秋二祭銀一十六兩雍正五年八月內奉
文爲知會事案內照例每年於本縣地丁銀

奉節縣志

卷十

田賦

五

內扣留備祭

一本縣春秋二祭

文廟除扣辦地丁銀兩外於雍正十三年三月內
奉文爲欽奉

上諭事案內加增銀一十二兩又春秋二祭

社稷及神祇二壇酌增銀八兩乾隆八年閏四
月內奉文爲咨覆事案內在於兩廟祭祀銀
內酌撥銀二兩分春秋冬三季祭厲壇每歲
具領赴 布政司庫請領備祭

一昭忠祠春秋祭祀銀六兩由本縣分別扣領備祭

一本縣廩生原編二十名每名歲支餼糧銀九兩六錢遇閏加銀八錢因錢糧不敷原未領給於康熙二十四年八月內奉文爲

聖治當重熙等事案內廩生餼糧請復三分之一每名歲支餼糧銀三兩二錢共銀六十四兩遇閏加增銀二錢六分六毫六絲六忽六微六塵四纖因大甯縣歸併管理於雍正七年

奉節縣志

卷十

田賦

六

十一月奉文復設將廩生二十名分撥大甯縣七名廩餼銀兩仍於本縣地丁銀內扣留支給

一本府致祭

文廟春秋祭祀銀一十六兩又廩生餼糧銀一百二十八兩遇閏加增銀一十兩六錢六分六釐六毫六絲五微六塵俱於本縣地丁銀兩扣解年底造冊奏銷支剩銀兩解貯布政司庫聽候撥支

一本縣知縣一員歲額俸銀二十七兩四錢九分薪銀三十六兩心紅紙張銀二十兩油燭銀一十兩傘扇銀二兩於順治十三年十月內奉文爲錢糧入不敷出等事案內將薪傘扇銀一十七兩五錢一分添入俸銀內照滿洲筆帖式哈方例算給俸銀四十五兩餘銀全裁又於康熙七年內奉文爲請旨酌省存留錢糧事案內裁去心紅紙張銀五兩復於康熙八年九月內奉文爲請復存留錢

奉節縣志

卷十

田賦

七

糧事案內仍照錢糧入不敷出等事一案照裁定之數實支俸銀四十五兩心紅紙張銀二十兩於康熙十九年十月內奉文爲

題明川省官俸等事案內因軍需浩繁道員以上半捐半支惟首領佐貳教雜微員仍令全支至大小各官紙紅銀兩全捐外實支半俸銀二十二兩五錢於康熙二十一年四月內

欽頒

恩詔一款在外文官俸銀著照舊支給實支全俸

銀四十五兩後新加養廉銀七百五十兩
藩庫請領

額設衙役一百三名因錢糧不敷止量召募
三十七名每名歲支工食銀七兩二錢於順
治十三年十二月內奉文爲錢糧入不敷出
等事案內每名裁糧銀六兩於康熙七年六
月內奉文爲請

旨酌省存留錢糧事案內裁去七名復於康熙八
年九月內奉文爲請復存留錢糧等事一案

仍照三十七名因錢糧不敷每名歲攤支二
個月零九日工食銀一兩一錢五分於康熙
五十七年六月內奉文爲懇請援復舊例等
事案內請照外省衙役工食之例每名加增
銀四兩八錢五分於雍正五年十二月內奉
文爲敬陳管見等事案內裁革燈夫四名於
乾隆二年閏九月內奉文爲命案就近相驗
等事案內裁革皂隸四名實在衙役二十九
名門子二名皂隸一十二名馬快八名轎傘

扇夫七名每名歲支工食銀六兩共銀一百七十四兩於雍正七年閏七月內奉文爲欽奉

上諭事案內設立民壯二十名每名歲支工食銀六兩於雍正十二年十一月內奉文爲節省無益之錢糧等事案內民壯每名加增銀二兩每名實歲支工食銀八兩共工食銀一百六十兩額設禁卒四名每名歲支工食銀七兩二錢於順治十三年十二月內奉文爲錢

糧入不敷出等事案內每名裁留銀六兩因錢糧不敷係本縣自行捐備於雍正九年五月內奉文爲知會事案內添設禁卒一十二名更夫十名每名歲支工食銀六兩共銀一百三十二兩又乾隆二年閏九月內奉文爲命案就近相驗等事案內添設件作三名每名歲支工食銀六兩共銀一十八兩添設跟隨學習件作一名每名歲支工食銀三兩共銀六兩又雍正十一年止月內奉文爲遵

旨據實奏明事案內添設捕役四名每名歲支工食銀六兩共銀二十四兩又雍正九年八月內奉文爲遵

旨詳議事案內添設斗級二名倉夫四名每名歲支工食銀六兩共銀三十六兩又乾隆二年七月內奉文爲請復設川省之鋪司等事案內添設急遞鋪東西二路共一十一鋪每鋪鋪司一名鋪兵二名又北路四鋪每鋪鋪司一名鋪兵一名共鋪司兵四十一名每名歲

奉節縣志

卷十

田賦

十

支工食銀六兩共銀二百四十六兩遇閏加增工食銀二十兩五錢

一本縣典史一員歲額俸銀一十九兩五錢二分薪銀一十二兩於順治十三年十二月內奉文不必分俸薪總算給俸銀三十一兩五錢二分後加增養廉銀八十兩額設衙役六名每名歲支工食銀七兩二錢於順治十三年十二月內奉文因錢糧不敷每名歲攤支二個月零九日工食銀一兩一錢五分於

康熙五十七年六月內奉文每名加增銀四兩八錢五分仍照衙役六名內門子一名皂隸四名馬夫一名每名歲支工食銀六兩共銀三十六兩

一本縣教官一員歲額俸銀一十九兩五錢二分薪銀一十二兩於順治十三年十二月內奉文不必分柴薪總算給俸銀三十一兩五錢二分於康熙四十二年奉文爲懇

恩特疏開復教缺等事案內添設教諭一員將訓

奉節縣志

卷十

田賦

十一

導一員於雍正七年奉文分撥雲陽管理學務食分俸銀一十五兩七錢六分於乾隆元年九月內奉文爲欽奉

上諭事教諭照正八品歲額俸銀四十兩額設衙役一十三名因錢糧不敷量召四名每名歲支工食銀七兩二錢於順治十三年十二月內奉文每名裁留銀六兩於康熙八年九月內奉文因錢糧不敷每名歲攤支二個月零九日工食銀一兩一錢五分於康熙五十七

年六月內奉文每名加增銀四兩八錢五分
仍照衙役四名內門斗二名膳夫二名每名
歲支工食銀六兩共銀二十四兩
一夔州府同知一員向由本縣支發俸薪役
食銀兩於乾隆二十二年同知移駐石砭廳
將經管鹽務事宜撥歸通判管理二十七年
撥歸鹽書六名巡役十四名工食銀一百二
十兩按年在於雲陽縣竈課羨餘銀內支發
今裁

一夔州府通判一員歲額俸銀六十兩養廉
銀四百兩額設衙役二十九名每名歲支工
食銀六兩共銀一百七十四兩
一夔州府教授一員歲額俸銀四十五兩役
食銀十二兩
一夔州府訓導一員歲額俸銀四十兩額設
衙役四名每名歲支工食銀六兩共銀二十
四兩今裁

一夔州府經歷司一員歲額俸銀四十兩養

廉銀九十兩額設衙役六名每名歲支工食銀六兩共銀三十六兩

以上官俸每歲支銀若干均於本縣地丁銀內扣留支給

增設運送餉鞘夫價銀三百三十六兩於本縣地丁銀內扣留支給如地丁銀內不敷扣留每歲具領赴

布政司庫請領支給餘剩仍解按察司庫收貯聽候撥支

一縣屬圓壩子被淹田畝糧賦無著郡守周景福捐資開挖後來仍復淤塞嘉慶二十四年郡守富明捐廉代納地丁每年正閏火耗共銀九十六兩四錢六分四釐五毫六絲通稟有案永以爲例

一夔州府捐廉代完白帝寺地丁正閏火耗共銀一兩七錢一分一釐九毫五絲

以上二項均由縣請領批解

一本縣抽收豬羊釐金資辦相驗招解緝捕

三費設局派城鄉公正紳糧董其事每豬一隻收錢二百文羊一隻收錢四十文每日由屠行繳局備用鄉場寫遠札里保稽察隨時彙繳光緒六年縣令耿士偉稟 憲請行立案積款置買田產迄今應用名款均由縣署酌開印票送局支發

一夔郡居民向多草屋屢患火災道光三年太守恩成縣令萬承蔭捐廉將民間草屋一律改造瓦房火患竟息光緒十六年知府汪

奉節縣志

卷十

田賦

十四

鑑撥閒款四百金飭首縣捐廉紳商集腋創興既濟會置備水龍並一應器具以戒不虞餘款生息每歲春秋舉行會期官紳齊集火神廟致祭

火龍
神神

會前一日演習水龍後一日清理賬目永以爲例積有餘資議辦積穀酌定章程交各紳士經管

一夔郡地方所產煤炭必須攬和黃土方得燒燃向來附近窮民在西關外官山上挖土

售賣以供炊爨惟開挖日久每將古墓枯骨
刨出暴露殊堪憫惻道光六年恩郡守成諭
飭紳士黎廷琬等設法籌議隨於擂鼓台下
置買空地一段以便西邊附近居民取土之
用又 文昌廟會上舊有較場壩基地一段
捐出以便東邊附近居民取土之用則窮民
得資利賴而古墳亦無損壞之虞矣

一粥廠自嘉慶十八年秋歉收十九年春旱
斗米千錢署奉節令李堦甫下車察民疾苦

傳集紳士王繪聲丁楚珩張鎰米濟川等諭
及施粥該紳等踴躍倡捐並勸募城鄉各糧
戶量力捐助在較場壩設立粥廠日煮米十
石有零凡三月存活饑民無算嗣庚午大水
後官紳勸捐舉行光緒十六年唐郡守翼祖
亦捐廉開局惟經費難籌時多廢弛逮十八
年縣令曾秀翹蒞任創議捐設邑吏員劉鴻
恩慨捐常家崖田地一分每年收水穀五十
餘石作粥廠之資賑濟流民乞丐以三閱月

爲率續有捐款再行展放現在妥議章程交紳士經管期垂久遠

一本縣添設救生船於雍正十三年十一月內奉文爲川湖孔道三峽汎流等事案內於瞿唐灩澦青岩小黑石灘設救生船三隻每隻召募水手六名共水手一十八名又於乾隆三年二月內奉文爲欽奉

上諭事案內於男女孔石板峽二沱灘增設救生船三隻每隻召募水手六名共水手一十八

奉節縣志

卷十

田賦

十六

名救生船六隻

乾隆四十五年山右段公玠以幹才調守夔郡愛民簡事俯眺夔城濱臨大江舟檣連亘重灘險阨爲害不小勤恤民瘼欲力行拯覆之策期年擢江右糧道將行矣特捐俸二百金招署奉節令陳景韓謂之曰仁政之行期於可久而無資奚以待後謹以此爲救生埋齒之費第慮貲薄不繼望諸君子之善繼也公旣行陳令卽繼成其志設緣簿募捐時經

歷袁廷鳳襄厥事陳令捐俸銀一百兩袁廷鳳捐俸銀四十兩外樂捐者成都太守前署夔州府王啟焜捐銀七十兩奉節令牆嶮捐銀五十兩其餘官紳商民陸續輸助共收過樂捐銀二千餘兩四十七年得買吳劉氏與其姪策猷所管西門曲尺街房屋一所計五間去價錢六百千文四十八年得買徐鼎徐恆土墻壩把水寺田地二分載種一石條糧銀九分有零約此田時值價銀八百兩內傳

洪耀弟兄叔姪捐銀三百八十七兩徐鼎徐恆捐銀一百七十三兩外實去價銀二百四十兩利川縣印契文約均存捕署四十九年得買土墻壩藍萬里店房二間涼亭一間去價錢七千六百文印契存糧房以上買項俱載有碑又五十一年得買徐鼎徐恆土墻壩店房一間去錢十二千文嘉慶八年前守方積捐銀三百兩買擂鼓台田地一分去銀二百六十兩條糧錢三錢八分其房租地稞向

來俱由奉節典史收管撈一浮屍施簰子一
牀所有用費亦由典史照發道光元年夔州
太守徐念高札飭典史將此項歸紳士掌管
二年交出計曲尺街房屋每年應收房租錢
三十二千文土牆壩地租房租每年應收銀
十六兩錢五十三千文擂鼓台地租每年應
收銀十六兩所收租穀銀錢今併入新捐項
內以敷費用

夔門爲全蜀銷鑰大江發源岷山沿途消納

川陝雲貴四川之水匯於瞿唐著名險灘不
可勝數舟行最易傾覆往往浮屍隨流而至
令人心惻乾隆四十八年太守段有感於此
因捐買土牆壩水田街基及城內曲尺街鋪
面每年約可得息費銀百金設立拯溺船隻
溺民賴以救活者甚眾第日久弊生有名無
實所有規條俱歸烏有道光元年郡守徐蒞
夔聞而慨之卽捐銀一百兩令紳士黎廷珖
等募化共襄盛舉復置義船二隻立定章程

每隻舵夫一名水手六名每月共給工食錢一十七千二百文犒賞錢一千四百文夏秋水漲在黑石石板峽等處救護冬春水落在東洋廟磯等處救護上下估客頗資利賴有人撈獲一屍者由會上賞錢四百文施棺葬之義塚棺木一具值銀八錢八分義塚卽西關外擂鼓台地下關城外大官山地也但儲項無多久用則匱道光三年郡守恩成莅任有利必興尤於此事加意斟酌期於盡善因

捐銀二百兩錢五百千文通守李鐸暨奉節縣萬承蔭署奉節縣薛炳勳署雲陽縣姚光綬新甯縣吳協大甯縣柏守貞夔經歷厲德興大甯廠鹽大使王汝翼大甯縣典史徐德基共捐銀三百九十兩其餘惟奉開雲三縣各紳士共約捐銀一千二百兩又湖北商人李本忠捐銀二百兩細數均載碑記茲不詳錄以上所收捐項並息銀除用去外尙存經費銀一千五百兩發商生息以作每年經費

之用道光六年郡守恩成因義船雖有二隻如逢行船失事撈救不及仍須藉力民船卽難免需索謝禮等弊卽將奉節呈繳私鹽變價充公共三案銀一百零七兩一錢八分錢四十串又添造義船二隻撈救益資得力至新造船隻之柁工水手人數以及每月工食均照舊數另由府中捐給如撈救一人加賞銀八錢撈屍一具加賞錢四百文俱由府中給發至平時則選遣親信誠實家丁隨時管

帶義船在灘常川住守就近稽查怠玩者必罰搶竊者重懲辦理洵爲盡善所有會上產業經費並一切章程經手紳士等報明府中轉詳

各憲立案其每年所收息銀暨用費若干亦由紳士輪流經管造冊具報以憑稽核

督部堂丁寶楨舟出夔峽見江水洶湧名灘屹立偶觸之卽覆恨無一援手者由山東籌款匯寄庫平銀六百兩整來川於夔巫江面

新設救生船十四隻分爲兩局經管上游之局設於夔州郡城由省揀派州縣一員分駐督管上游自奉節縣屬之灩澦石起至巫山縣屬之三纜子止計十九灘管紅船七隻巡船一隻委員不時分途梭巡月支薪水并巡船紅船口食救活之人賞錢以及救活之人無行李者給路費錢撈屍並棺木石碑等項俱由夔州府領取於光緒三年領督部堂丁銀六千兩修紅船用去庫平銀壹千五百兩

置買兩局義地共去庫平銀五百兩下存庫平銀四千兩正本省各大憲由釐金項下提出庫平銀三萬六千兩正以上共計庫平銀四萬兩先發成都府轉發典商嗣改發黔邊鹽局均按年一分行息成本不動每年可得庫平利息銀四千兩已稟准由夔郡百貨釐局撥存府庫按月轉發兩局續因經費不敷經蒯郡守德模稟明每無閏之年約短銀八百兩有閏之年約短銀一千二百兩蒙督憲丁

批由川東道姚於釐金局費用項下節省以
作兩局津貼不敷之用在案光緒十三年管
救生局李令煦見灘溢於船尙多挂漏自願
捐脩紅船一隻不領經費汪郡守鑑稟請各
大憲添設紅船十隻巡船一隻撥紅船一隻
交巫山局領管下餘十隻歸併夔局項下不
另派員管理一切口食雜費船式仍舊於光
緒十三年閏四月爲始就近由夔局撥給如
稟立案歷年以來救活之人不勝屈指往來

商賈客船莫不咸歌大德共慶生還洵莫大
善舉云